

Prepoznajući mlade ljude kao ključne partnere za ostvarenje pozitivnih promjena i promotore međusobnog razumijevanja, a sa ciljem da osigura da pitanja od važnosti, potrebe, prioriteta, težnje i izazovi sa kojima se susreću mladi ljudi u Bosni i Hercegovini budu adekvatno identifikovani i razmotreni, Misija OSCE-a u Bosni i Hercegovini ovom prilikom objavljuje

Poziv za dostavljanje prijava

za dodatne članove – mlade volontere

Savjetodavne grupe mladih (SGM)

Misije OSCE-a u Bosni i Hercegovini

Šta je Savjetodavna grupa mladih i koja je njena uloga?

Savjetodavna grupa mladih (SGM) Misije OSCE-a u Bosni i Hercegovini je uspostavljena 2014. godine, a sastoji se od proaktivnih i kompetentnih mladih volontera koji dolaze iz različitih sredina iz cijele Bosne i Hercegovine i koji redovno pružaju članovima Misije ne samo kreativan uvid, već i reprezentativna gledišta mladih o političkim, društvenim i ekonomskim temama i koji sarađuju sa članovima Misije da bi osigurali da djelovanje Misije uzima u obzir i bude zasnovano na boljem razumijevanju pitanja od važnosti, potreba, prioriteta, težnji i izazova sa kojima se susreću mladi ljudi.

Misija angažuje članove Grupe u procesu planiranja/izrade, sprovođenja, monitoringa i ocjenjivanja svojih aktivnosti, pa zbog toga oni imaju jedinstvenu priliku da pruže vrijednu pomoć u osmišljavanju aktivnosti kojima se uvažavaju potrebe mladih, relevantnih za mlade i usmjerenih ka mladima, kao i da omoguće šire i svrsishodnije angažovanje i učešće mladih u Bosni i Hercegovini, bolje prilagođeno njihovim potrebama. Mladi volonteri SGM-a su takođe u povoljnom položaju da predlože aktivnosti čiji je cilj poboljšanje ne samo pozicije mladih ljudi, nego i opštih okolnosti u BiH.

Koji su kriteriji za odabir i šta se očekuje od članova?

Članovi Savjetodavne grupe mladih Misije OSCE-a u Bosni i Hercegovini su državljani i osobe sa prebivalištem u Bosni i Hercegovini, dobi između 18 i 30 godina.

Ova veoma odgovorna i reprezentativna uloga uključuje sposobnost da se kompetentno i proaktivno angažuju:

- U otvorenom i djelotvornom pristupu i razgovoru sa vršnjacima, sa ciljem prikupljanja povratnih informacija o pitanjima od važnosti, potrebama, prioritetima, težnjama i izazovima sa kojima se susreću mladi ljudi;
- U vršenju djelotvornih istraživanja o temama od važnosti za poboljšanje položaja mladih u BiH;
- U organizovanju/strukturiranju, analiziranju i djelotvornom prezentiranju prikupljenih informacija članovima Misije;

- U pružanju veoma reprezentativnog doprinosa mladih/povratnih informacija sa ciljem daljeg poboljšanja programskog i političkog angažmana Misije;
- U ostvarivanju saradnje sa omladinskim organizacijama (tj. omladinskim savjetima/vijećima, udruženjima učenika i studenata, savjetima/vijećima učenika i studenata, omladinskim organizacijama civilnog društva, itd.), uključujući prikupljanje i/ili distribuciju informacija;
- U pružanju pomoći sa ciljem povećanja učešća mladih u aktivnostima Misije i prepoznatljivosti aktivnosti Misije među mladim ljudima u BiH.

Kako da postanem član – mladi volonter Savjetodavne grupe mladih?

Ako smatraš da ispunjavaš kriterije za odabir i da možeš uspješno da ostvariš očekivanja, pošalji svoju biografiju (CV) i motivaciono pismo na engleskom jeziku elektronskom poštom gospodinu Bojanu Jankoviću, kontakt osobi u Misiji OSCE-a u Bosni i Hercegovini za pitanja mladih i koordinatoru SGM-a (bojan.jankovic@osce.org, 062 796 109) najkasnije do **nedelje, 4. novembra 2018. godine**. Prijave pristigle nakon isteka tog roka neće biti uzete u razmatranje.

U motivacionom pismu treba sažeto da navedeš (1) zbog čega želiš da postaneš član – mladi volonter Savjetodavne grupe mladih Misije OSCE-a u Bosni i Hercegovini, (2) tvoje glavne kvalifikacije za tu ulogu kao i razloge zbog kojih smatraš da ćeš biti djelotvoran član Grupe, kao i (3) tvoje mišljenje o najbitnijim problemima i prioritetima mladih osoba u Bosni i Hercegovini kao i prijedloge efektivnog rešavanja istih.

Misija će kontaktirati samo one osobe koje budu pozvane na usmeni dio odabira kandidata. U okviru ovog Poziva za dostavljanje prijava može biti izabrano najviše osam novih članova SGM-a.

Kao dio posljednje faze procesa odabira novih članova, uspješni kandidati će trebati da ispune **preduslov za pristup Grupi** kako bi postali zvanični članovi SGM-a, odnosno da sprovedu jednu uspješnu aktivnost u partnerstvu sa jednim ili više članova Misije iz njihove geografske oblasti odgovornosti.

Napominjemo da je ovo **imenovanje na volontersku poziciju** na neograničeni vremenski period i da neće biti pružena nikakva finansijska nadoknada. Učešće u radu Grupe ne predstavlja obavezu niti garanciju budućeg zapošljavanja u OSCE-u.

OSCE izražava predanost procesu odabira **zasnovanom na kvalitetu kandidata**. Posebno podstičemo žene i osobe iz marginalizovanih društvenih grupa da nam dostave svoje prijave.